

## **Dithero tsa Tirelano mo Kutlwanong**

09/2016 Thero ka moletlo wa Epifania, e le ka 10. 01. 2016

### **Mo leineng la Modimo o e leng Rara le Morwa le Mowa o o Boitshepo!**

Lefoko le le okamelang moletlo wa Ephifania, le kwadilwe mo go 1 Joh. 2:8b, le re: **"Lefifi le a anoga, mme lesedi la boammaaruri le setse le phatsima."**

1. Sefela sa 225 - 211/219

**2. Thapelo:** Morena, o re itshepise mo boammaaruing jwa gago. Lefoko la gago ke la boammaaruri. Amen.

3. Lefoko la testamente e kgologolo le kwadilwe mo go Jes. 60:1-6;

Epistolo ka fa thulaganyong ya 4 e kwadilwe mo go Bakolose 1:24-27;

Efangele ka fa thulaganyong ya 1 e kwadilwe mo go Matheo 2:1-12.

4. A go ipolelwe tumelo ya bokeresete!\5. Sefela sa 81 - 75/78

6. Thapelo ya mmadi wa thero.

**7. Epistolo** ka fa thulaganyong ya 2 e kwadilwe mo go Baefeso 3:2-6, e re: "Fa e le gore lo utlwile ka ga tirelo ya bopelotlhomogi jwa Modimo jo ke bo neilweng ka ntlha ya lona; gonne ke itsisitswe bosaitsiweng ka ponatshego, jaaka ke setse ke kwadile ka mafoko a makhutshwane, a e ka reng fa lo a buisa, lo a lemoga ka ona tlhaloganyo ya me ntlheng ya bosaitsiweng jwa ga Keresete, jo bo se kang jwa itsisiwe batho mo metlheng ya pele, jaaka jaanong bo senoletswe baapostolo ba ba boitshepo ba gagwe le baporofeti ka Mowa gore baheitane le bona ke barua-boswa nabo, ke ba mmele nabo, ke ba ba tlhakanetseng tsholofetso nabo mo go Keresete Jesu ka Efangele." Amen.

**8. Thero:** Phuthego e e rategag ya Morena Jesu, moletlo wa Epifania ke moletlo wa Keresemose wa baditšhaba. Jesu Keresete a tla mo merafeng le mo ditšhabeng tsotlhe. Gape di tlike mo go ene, jaaka re utlwile gore batlhalefi ba botlhabatsatsi ba tla go ene, ba latela naledi e ba e bonyeng kwa botlhabatsatsi, ba e bonye gape e eme mo godimo ga ntlo kwa ba

fitlhetseng ngwana le mmaagwe teng, kwa Betlehema. Le kajeno go sa ntse go ntse fela jalo. Jesu Keresete o batla go isiwa mo merafeng yotlhe, batho ba merafe yotlhe ba atamele, ba tle mo go ene. Maikaelelo a bopelotlhomogi jwa Modimo a sa ntse a tshela kajeno, a ntse a tswelediswa. Mo mafelong otlhe mo lefatsheng, kwa bokone, kwa borwa, batlhabatsatsi, le kwa bophirmatsatsi. Ee, maikaelelo a bopelotlhomogi jwa Modimo a sa ntse a dira le fa gare ga rona. Modimo ka osi o senotse bosaitsiweng jwa maikaelelo a ona, o re senoletse bosaitsiweng jwa ga Keresete. Maikaelelo ao a ona malebana le ba lefatshe lotlhe a ne a le teng mo tshimologong, ee, le fa pele ga tlolelo ya legodimo le lefatshe. Maikaelelo a ona malebana le tsamao ya me a ne a le teng mo tshimologong, ee, le fa pele ga botsalo jwa me. Maikaelelo ao malebana le tsamao ya Efangele ya ga Keresete, malebana le tswelelo-pele ya kereke ya ona a ne a le teng mo tshimologong, ee, le fa pele ga botsalo jwa ga Jesu. Ga re belaele, le e seng go botsa Motlhodi wa rona gore o diretseng jalo? Re gakgamala fela, le go lebogela bosaitsiweng joo.

Ka maikaelelo a bopelotlhomogi jo bogolo jwa ona Modimo o batla motho mongwe le mongwe mo mafelong otlhe ka dipaka tsotlhe. A go lebogwe Modimo o o ratang gore batho botlhe ba pholosiwe, le go fitlha mo kitsong ya boammaaruri. Tseo ke letlhogonolo la Majeremane a a tlhagileng mo go baditšhaba. Ke letlhogonolo la Mazulu, la Batswana, le botlhe ba e leng ba baditšhaba. Moapostolo o kwala a re: Baditšhaba le bone ke barua-boswa nabo, ke ba mmele nabo, ke ba ba tlhakanetseng tsholofetso nabo mo go Keresete Jesu ka Efangele.

Modimo ka bopelotlhomogi jo bogolo jwa ona o romela Keresete, Mosolofediwa wa gagwe mo gare ga rona. Lo se boife, gonne bonang, ke lo tsiseditse mafoko a a molemo a boitumelo jo bogolo o e tla nnang jwa batho botlhe; ka gonne gompiano lo tsaletse Mogolodi mo motseng wa ga Dafita, yo e leng Keresete Morena. Bosaitsiweng jwa Modimo, bosaitsiweng jwa ga Keresete jwa rerwa mo nageng ya badisa kwa Betlehema mo bosigong jo bo boitshepo. Mmaagwe Jesu, e bong Maria, le monna wa gagwe, e bong Josefa, ba bonye tseo. Badisa bale

ba bonye tseo fela jalo. Baengele le lesomosomo lwa phuthego ya legodimo le bonye tseo. Batlhalefi bale ba botlhabatsatsi ba bonye tseo. Simeone le Hana ba bonye tseo mo tempeleng. Simeone a boka Modimo ka gore: Morena, jaanong o naya motlhanka wa gago tsela, ka fa lefokong la gago, go ya ka kagiso; ka gonne matlho a me a bonye pholoso ya gago e o e etleeditseng mo matlhong a merafe yotlhe, e bong lesedi le le tla senogelang baheitane le go galaletsa morafe wa gago wa Iseraele. Go simolola ka nako ele batho ba ba sa ka keng ba balwa ba bonye tseo, go ya matlho a rona a foufololwa teng mono mo gae, mo go rona ba sebaka sa kajeno. Reetsang sentle: Bosaitsiweng jwa Modimo, bosaitsiweng jwa ga Keresete bo bonwa fela ka matlho a tumelo. Modimo o romile barongwi ba ona, e bong baporofeti le baapstolo, baefangedi, baruti, batsadi le ditsala gore ba tthalose ka thata ya Mowa o o Boitshepo bosaitsiweng jwa Modimo, gore Modimo o le nee nonofo go tia mo motheong o o kwa teng ka Mowa wa ona ka fa khumong ya kgalalelo ya ona gore Keresete a age mo dipelong tsa lona ka tumelo, lo nne ba ba medi mo loratong lwa gagwe, ba ba thaegileng mo go lone, gore lo kgone go tthaloganya le baitshepi botlhe se e leng boatlhamo le boleele le bogodimo le boteng jwa lone, le go itse lorato lwa ga Keresete lo lo gaisang kitso gore lo nne lo tlale go ya go fitlha botlalong jotlhe jwa Modimo.

Fa Modimo ka osi o sa senole bosaitsiweng, re tla nna difofu ka metlha, go ya re swe ntle le go bona, le go tthaloganya, le go dumela, ntle le kitso jaaka baditšhaba ba ba sa dumeleng. A boteng jwa khumo le jwa botlhale le jwa kitso ya Modimo! Dikatlholo tsa ona ga di na totolotso jang ne, le ditsela tsa ona ga di na tlotlhomiso jang ne! Gonne ke mang yo o itsileng maikaelelo a Morena, gongwe mogakolodi wa gagwe e ne e le mang? Ke nnete: Re bua bothale jwa Modimo jo e leng bosaitsiweng, jo bo fitlhegileng, jo Modimo o sa leng o bo rulaganya pele dipaka di ise di nne teng go re isa kgalalelong. ... jaaka go kwadilwe ga tse: Tse leitlho le sa di bonang, tse tsebe e sa di utlwang, tse di sa tsenang mo pelong ya motho, ke tsona tse Modimo o di baakanyeditseng bone ba ba o ratang.

A bosaitsiweng mo tšaloganyong ya motho jo bo senotsweng jaanong ke jo: Mo segopong sa dipitse re bona lesea fela, le fa e le Mong-wa-thata-tšotlhe yo o robetseng teng foo fa pele ga rona. Kwa Golegota motho yo o tšhomolang pelo o lepeleditswe mo sefapaanong, a utlwa botlhoko mo go maswe, a fufula mofufutso o o tšhwanang le marothodi a madi mo mmeleng wa gagwe, a le mo tlalelong e kgolo, le fa e le Kgosi ya dikgosi e e bapoletsweng teng mo logonnyeng lwa thogako, e le motho wa matlhoko a phololeditswe, a teketelwa, a balwa le baikepi, le fa go ntse jalo tota-tota e le Seganka sa Modimo, e le yo o godimo ga tšotlhe, yo o rweleng maleo a batho botlhe, a me le a gago.

Fa e le gore lo utlwile ka ga tirelo ya bopelotšhomogi jwa Modimo e ke e neilweng ka ntlha ya lona; gonne ke itsisitswe bosaitsiweng ka ponatshego. Kabololang ditsebe lo bule mewa, tšaloganyo le pelo ya lona gore lo utlwe, lo bone, lo tšaloganye bosaitsiweng jo jaaka ba kwa Efesu, ... jaaka ke setse ke kwadile ka mafoko a makhutshwane a e ka reng fa lo a buisa, lo a lemoga ka ona tšaloganyo ya me ntlheng ya bosaitsiweng jwa ga Keresete, jo bo se kang jwa itsisiwe batho mo metlheng ya pele, jaaka jaanong bo senoletswe baapostolo ba ba boitshepo ba gagwe le baprorofeti ka Mowa. Lo nne fa fatshe, lo tšhatlhobe lokwalo lo lo lo boitshepo, lo ithute gore lo utlwe, lo bone, lo tšaloganye tsela ya Modimo mo go tšotlhe le mo go tsa dipaka tse di fetileng.

Re setse re bo senoletswe jaanong, rona ba re leng ba mo gae gore re se boife, mme re pholosiwe, re tshele botshelo jo bo sa khutleng, jwa bosaitsweng jo. Mongwe le mongwe yo o bo tšaloganyang bo lemoga botoka se se diragalang mo botshelong jwa gagwe. Yo o tšaloganyang tseo o lemoga botoka le matsatsi a ditlalelo, o lemoga botoka le bosaitsiweng jwa matlhoko a a thathanyegang. Re tsena mo matlhokong, re tsena mo maketeng, re tsena mo ditlalelong, le fa go ntse jalo, re bafenyi, re a busa, re a kgona, re gorosiwa mo bokhutlong, Le fa re se na sepe, re baruaboswa. Re a lwala, re a tšhwenyega, re a kokoba, re a swa, le fa go ntse jalo, re a tšhela.

Bosaitsiweng bo re: Re batlhakanedi ba tsholofetso, le mo ngwageng o mošwa o o o fa pele ga rona, le mo dikgweding tsotlhe tse di lesome le bobedi, kamamoso le ka letsatsi le le latelang. Rona badumedi re itse tse di fa pele ga rona, re itse tse di re latelang, le tse di tlang, gonne re itse yo o neng a le teng ka metlha, re itse yo o tlang, re itse yo o tla nnang ka metlha go ya bosakhutleng, e bong Jesu Keresete, Mopholosi wa lefatshe lotlhe, le Morwa Rraetsho yo o re ratang, e le Kgonne tota. A go lebogelwe bosaitsiweng ja Modimo. Amen.

**9. Thapelo:** Morena Modimo, Rara yo o rategang yo o mo legodimong, re a leboga. Re lebogela bopelotlhomogi jo bogolo jwa gago, ka go re romela Morwao yo o rategang Jesu Keresete gore re nne le tsholofelo, boitshwarelo, le pholoso. O thuse, o utlwele botlhoko le ba bangwe ba ba sa ntseng ba le mo lefifing gore ba utlw, ba dumele bosaitsiweng jwa gago jo o sa ka keng jwa bolelwa, ba pholosiwe mmogo le rona ka Jesu Keresete. Amen. Thapelo ya Morena: Rara wa rona yo o mo legodimong ...

10. Sefela sa 86 - 80/83

A kagiso ya Modimo e e fetang tlhaloganyo yotlhe e boloke dipelo tsa rona le maikutlo a rona mo go Keresete Jesu, Morena, Morepholosi. Amen.

Thero eno e kwadilwe ke K. G. Tiedemann, ka ngwaga wa 2009.

Kgatiso le go rongwa ga dithero tseo go tshegediwa ke kopano e e bidiwang The Lutheran Heritage Foundation.